

The Makuilongdi Express

Liangmai Daily Newspaper

“Mazibo niu ngamne”



NEBPO niu organised thiubo Miss Northeast 2022 leng jengniu states tachat lamsu top 15 state winners nai 1st runners-up dung hai Nagaland state capital Kohima ga wangtangjiu bammine.

Naga Students' Union Shillong niu organised thiubo Luan 62nd Naga Sports Trophy Chagaahiu 22th-26th, 2022 ga tadkiu bo mathenga Zeliangrong Students' Union, Shillong niu Anal Students' Union tu ngamjiu champion lu mide.



Zengtung 28 Chagaahiu 2022 Masannai Chiang PO Tamei ,Tamenglong Dist. Manipur Vol.01. Issue 22 Page 1

Lungsabo niu kasabo ga chunwi makge, Chiudi majibo ga chunwi ye. I Korinthmai 13:6.

Ningol Chakkouba lengjengniu Hapta Kanjaibung ga "Fish Fare" tadkiu khai mide

TSE Imphal

Chag. 27: Ningol Chakkouba ga Fish fair hai Hapta Kangeibung ga kam khai ye. Haibo changee ga chamai kakeng wangjiu paliu niu lunibo chakha liura leng wangkhai yeh, chiudi paliu niu lunibo chakha Sareng hai phungwang mak bo donniu pawan katheng ra chapkhon khai yeh. Chakha Sareng hai jonra leng phungwang raboi chiudin khailu phungwang mak bo donniu chamai kakeng paliu lung aman makbo di pad khai ye, chiudi fishery gu minister Heikham Dingo khatdi fishery gu Director H Balkrisna Singh niu paliu lung kam agi khailanjiu chakha sareng hai jonra leng phungwang jiu katingmai khangkhat leng jon khai raithu khai bide.

Haibo programme hai fishery gu department niu Ningol Chakkouba ga tadkiu raleng organised kamkhai biyeh. Fishery gu minister Heikham Dingo singh niu haibo programme ga chalad dinjiu Manipur ga 52,000 million tons chakha hai tiubui bo-e chiudi Fishery department niu kampad bora 32,000 million tons ronna 2019 ga kampad khaiyeh chiujiu din neh. Chiudi pasaira 52,000 million tons chakha hai Manipur leng kampad khaineh chiujiu dinsan khai mide.

Luan 48th bo HEHS Foundation Day Celebration cum Auditorium Inuaguration tadkiu khai mide.



TME Tamei

Chag. 27: Education Department, LNBA-M niu sponsored thiujui bambo Hamai English High School (HEHS) Tamei, Namraining HQ ga ndanai Chagaahiu zengtung 26th 2022, Kajannai Luan 48th Foundation Day Celebration cum Auditorium Inuaguration gu tienkam hai wiju tadkiu khai mide chiujiu dinne.

Haibo tienkam ga Rev. Dr. Alungbou Newmai, Executive Secretary LNBA-M & Board Chairman

HEHS niu Speaker thiukhai ye khatdi Rev. K. Laipou, Sr. Board Member HEHS, paniu thiusan patjiu bambo school auditorium hai kadkhaibo tien thiukhai mide. Haibo maduiga pui-piu mai di chamai kengjiu wangjiu padam lukhai mide. Ariak namai niu paliu niu kati lubo di lenkhajiu(science exhibition) khatdi namai gu chabensiam waju di phungwang jiu mathiu suangga lenkhai ye....

condt.in p.2

NEET (MBBS) 2022 ga tathui lubo Riliu Kensiliu Charenamai tu Thanks Giving cum Felicitation madui tadkiu khai mide.



TME Tamei

Chag. 27: Tad mibo zengtung 27th Chagaahiu 2022 bonai thaikum gu thiujui State niu conduct thiubo NEET (MBBS) exam ga tathui lubo Riliu Kensiliu Charenamai param Bena Nguang Batist Church, LNBA(M) gu Thanks Giving cum Felicitation gu tienkam

hai tadkiu khai mide. "May your father and mother be glad; may she who gave you birth rejoice" Proverb 23:25 gu ladpui hang gasu M. Liangpibou Pastor niu Minister thiujui tadkiu khai mide chiujiu dinne.

Condt.in p2.

Congress gu leader Jairam Ramesh niu Kerala gu Governer Arif Khan tu manmakjiu din mide.

TOI. Delhi

Chag.27: Arif Khan niu Kerala gu Governor kambam bosu Constitution tu kam masa bo-e chiujiu Jairam Ramesh Congress gu leader niu din neh. Palamra Arif Khan si karaiga political party katambo lamsu wangbo-e sinu tuhoi pahniu atung bambo government khatdi Southern State lam Raj Bhavan si pajan leng maksai pamengleng kambam bothak ga kam boi chiujiu Congress gu leader niu dinneh.

Kerala gu Governor Arif Mohammed Khan hai political party pakhiang nah ga joukhai mibo khouweh sinu tuhoi pahniu atung bambo government khatdi southern State lam Raj Bhavan sidi karai masuang pahniu atung khaimi bo State Maharashtra maksai katam bo State tu kumjiu atung bam bo-e sinu pahai constitution tu wathou chak khai mak bo maksai constitution ju kam masabo-e chiujiu Congress gu leader Jairam Ramesh, AICC general secretary(media and communication) niu dinneh.

Karingting Lunlung



@@@Naram mai LSA mathen leng register thiu loi mimah, tatahba?

###Sitami! Aram maira tadramah tadalakbo, mathen ramai dungdi jing-jing ngai-ngai mi, tuhoi katangra kam makha ye. Dedou last date nia?

Tacham pikhai nibo khatdi alam khaini sai 9366176046 alam khailo.

Paluni kahamai khuga wakhat-wakhat kamra pawan khatdi haye.

Editorial

Liangmai Sport Associatio,(LSA) Assam, Manipur and Nagaland gu mathen hai aliu Liangmai zat khatgu mathen aruangbo dithubo phom thiujiu bamme. Pawan sai suiuiu namai di mathenbo ga kamsibo hai nkui khit-khit khangjiu bamme, chiudi aliu Liangmai gu lunlung ga lungsabo niu mah maksai khengsi makbo niu mah mai zat kumjiu mathenbo ga National maksai International level ga mengtangb ngamlakjiu bambo hai. Aliu zat hai Manipur maksai Naga gu Tribe ruangga phuisai siam mahiangbo tribe ra makge, chiudi aliu khuga ai maran tan makbo, aliu nubo gasu mah. LSA niu parit kadibo lulujii aliu zat lungga ronna makjiu palen lam azat zandi kamadi khaira karam khaibo pageng mide.

Luan 48th bo HEHS Foundation Day Celebration...

Condt. from p1

sironna makjiu mandui lolujuu ariaknamai niu taliu wangbo chaben siam dungdi jon khai mide.

Wanchak 9:00 am gasu subo madui haiga Principal HEHS, Dr.N Hunibou niu wangmai pui-piu mai khatdi katipao khatdi ariaknamai dungtu thonkiubo nai tadkhang mibo ariakky gu chariubo khatdi palam tam-tambo lamga dintou khaiye. Sigasu thaimien auditorium thiuboga Hamai ariakky gasu kati lujiu tadmimai (alumni) dung chaki thiubo ga nkhakhai maidung zan, pariak kenkhajiiu thonkiubo di poupad khai mide. Ariak namai dung niudi activities waji u tien khajiiu wangmai mathiutu karukhai ye.

LNBA-M churches gu pastors,former & present board members, leaders mai khatdi khatdi ariaknamai gu puipiu mai chamai kengjiu wangjiu luan 48th HEHS gu Foundation Day cum Auditorium Inuagrati on hai mania mawisui jiu mania khai mide.

Nuclear weapon thinmakra Rajnath niu Russia gu Defense Minister tu dinmide.

TOI Delhi

Chag. 27: Ukraine niu ‘Dirty Bomb’ thinpiura kam bammeh chiujiu Russia niu madam lujiu paliugu chari mania kaden bam bo wan ga India gu defense Minister Rajnath Singh niu Russia gu defense minister tu phone ga pou alam lujiu Nuclear weapon thinpiu suimak ge palamra Russia nai Ukraine chari thiubo gasu Nuclear weapon thin mide saira kadipiri pakhiang na leng sukwang miraboi chiujiu dinkhai biyeh. Minute 25 telephone gasu pao alamjiu

Rajnath niu Sergei Shoigu Russia defense minister tu majat jiu Russia nai Ukraine tu chari thiubambo si kawi thiuwang mija dinkhai boga Shoigu niu tuhoi Ukraine mainiu ‘dirty bomb’ thinpiura kam bam bosai suiuiu paliura mathak milak ge chiujiu poukak khai yeh. Western countries mai kum makjiu India haira Russia lam gadi ponsonmak Ukraine lam di ponsonmak jiu panai kak ga kawi majat jiu thiuwang mira poukhai yeh.

Peng phenbo gu Madan

By Ab. Dijinbou Research Scholar (Ph.D), NEHU danai gu padon....

Haibo eassy hai,Liangmai chengriak kasubo khat pengphenbo lamga rou khaibo we.pengphenbo jai, khatdi paramba tu dinjiu didiang jiu lenkhaibo lamga pasin paring thiujiiu rao khaira karam khaibo we. Pengphenbo hai tendon khatthiu jiu chagaa ngee ga tenne.Haibo ngam hai kasukbo ngam khat thiu jiu karaigas u tenbam niubo ye. Penghaisi npiu mai ronna niu tenbo tendon khat ye.Tiusai kakungbo ngam ‘Pengphenbo’ hai dekam jiu chagaa ngee ga kam bolo? Khatdi pengphenbo hai deleng tenbam niu bolo?thiubosi maniubo sui ye. Chagaa ngee hai debo cha-nge lo: Chagaa ngee hai,Liangmai lun phom gu dithubo ngee khat thiu we,haibo ngee ga npiu mai dung niu parah thiujiiu cha-nge nge, pajai khat lam sudinbo ga, chagaa ngee hai npiu mai leng parah thiujiiu changee khaibo ngeedi khat ye.Katingmai dung niu takum riwangjiu,chaky-chalu thiuloi wang mathak kiubo wan,tingnai di thiudi mak,agidi mak tiubo wan,charasy-chapiuniw di phang machangbo wanga chagaa hai cha-nge bam niu we. Padon next issue....

GOVERNMENT OF MANIPUR

DIRECTORATE OF TRIBAL AFFAIRS & HILLS, MANIPUR

NOTIFICATION

Imphal, the 24th October, 2022.

No. 15/92/2019-TA & H(MT)(Pt): Application in prescribed Form is hereby invited from the intending and eligible Scheduled Tribe Patients for grant of Financial Assistance for Medical Treatment 2022-2023.

2. Application forms can be obtained from the Medical Section of the TA&H Department, Imphal on production of relevant medical documents such as Discharge Slip/OPD/Prescription Slip/ Investigation report etc.

3. The dates for issue and submission of the application forms is as given below:

1	Issue of Application Forms	26th Oct. 2022 to 25th Nov. 2022
2	Last date for submission of forms	30th Nov. 2022 (upto 5.pm)

4. For any enquiry the staffs of Medical Section, TA&H, Imphal may be contacted during office -hours (# 89 74604182, 7005186175)

(Hungyo Worshang)
Director

Tribal Affairs & Hills: Manipur.

NEET (MBBS) 2022 ga tathui lubo Riliu Kensiliu Charenamai...

condt. from p1 Riliu Kensiliu Charenamai hai Manu Ch. Tabamwi nai Ch. Tipoina niu ponbo naraiboye.Thaimien NEET-UG (MBBS) 2022 ga pat lujiu Churachanpur Medical College ga state gu coata dou jiu bam mine. Haibo tienrang ga Rev. Ch. Manaithaibou, Pastor, Ng. Wangraibou Director Lungsiat Ministry nai pakipui Ng. Michelle paliu di wangjiu padam lukhai mide chiujiu M. Liangpibou Pastor Bena Nguang niu tacham ga dinne.

Pisikhaibo

Hainiu palam thiujiiu sikhai ye, palamra Taphou Liangmai Church Building Committee LNBA (M) niu Lottery hai zengtung 30th Chagaahiu 2022 ga draw kamra chiubo si doulak mibo bam kami zengniu wangkinbo Chakehiu zengtung 10th nai leng zu kakhit khai mide. Haijengniu soukummai ticket liukhai mimai hina chalung sajiu kiamkhai makra khengkhai ye.

Sd/-

Taphou Liangmai Church Buiding Committee LNBA (M) Senapati.

Mathen Cham



Thaimien Tamenglong District HQ Mini Stadium ga luan 10th Gospel Youth Soccer 2022 mathen tadkiujiiu bambo hai thainai, 28th Chagaahiu 2022 nai loikiubo tienhai tadkiu sune chiujiu organising committee gu tacham ga dinne. Haibo tierang kaloibo ngiudo ga Shri Akinsin Gangmei, Social Worker, Nominee to MP Dr. Lorho S Pfoze, niu Chief Guest thiujiiu tadkiu sune chiujiu dinne.”The Spirit Come Alive” chiubo ladpui hangga su mathen kiujiiu bambo kanambo madui hai nien wanchak 12:00 pm gasu sune chiujiu dinne.